



AMAH yang ditemui di tepi longkang di Mutiara Damansara, Petaling Jaya semalam.

Amah Indonesia ditemui tak sedar diri di tepi longkang

KOSMO
22/12/16

MLS-2

PETALING JAYA - Seorang pembantu rumah Indonesia yang dipercayai menjadi mangsa dera majikannya ditemui terbaring dan tidak sedarkan diri di tepi longkang di Jalan PJU 3/10, Mutiara Damansara di sini semalam.

Mangsa yang berusia 19 tahun itu ditemui pada pukul 12 tengah hari oleh seorang wanita berusia 41 tahun yang melalui kawasan tersebut.

Ketua Polis Daerah Petaling Jaya, Asisten Komisioner Mohd. Zani Che Din berkata, pengadu telah membawa wanita itu ke sebuah klinik untuk mendapatkan rawatan sebelum dibawa ke Balai Polis Mutiara Daman-

sara untuk membuat laporan polis.

“Siasatan awal mendapati, wanita itu bekerja di sebuah rumah di kawasan tersebut. Polis telah mengenal pasti majikan mangsa tetapi belum membuat tangkapan,” kata beliau di sini semalam.

Jarak lokasi amah itu ditemui dengan rumah majikannya kira-kira 300 meter.

Menurut beliau, mengikut pemeriksaan awal, amah itu semasa ditemui mengalami kecederaan yang agak teruk pada muka dan kepala dipercayai akibat didera.

Katanya, mangsa telah dihantar ke Pusat Perubatan Universiti Malaya untuk menerima rawatan lanjut.